

Decis il 2020 ina liberaziun da premias e paucs donns il 2020

La cumissiun administrativa e la Regenza han fatg la primavaira 2020 in pass curaschus e desistì da la premia d'assicuranza totala per l'onn 2021. Quai duai esser ina contribuziun ad interpresas che pateschan da la crisa da corona ed in encuraschament per proprietaris d'edifizis privats da contribuir da lur vart al restabiliment da l'economia grischuna. L'Assicuranza d'edifizis dal Grischun (GVG) ha retschavi tschients resuns positivs per quest "regal". La renunzia a var 27 miu. francs sa basa sin il gudogn dal 2019. Il rabat sin las premias totalas ha importà almain 65%. Ins ha fatg valair la taxa da prevenziun. Suentar il gudogn da l'onn passà da CHF 52.5 miu. – suenter avair fatg remessas cun il rabat sin las premias anc CHF 25.5 miu. – è il gudogn l'onn 2020 cun CHF 26.6 miu. pli pitschen, ma anc adina fitg bun. Il 2020 è stà in onn d'investiziun plain tensiun cun martgads d'acziun che han gì da cumbatter tranteren massivamain, ma ch'èn sa revegnids puspè bain enfin la fin da l'onn. Investiziuns da chapital èn impurtantas per la GVG. Cun questas reservas vegnan cuvrids gronds donns che n'èn betg pussaivels da reassicurar. En pli gidan ils retgavs d'investiziuns da finanzas e d'immobiglias da purtar ina part dals custs administrativs. Per quests motifs fa la pli nova immobiglia persistente da la GVG cun il locatari d'anca Coop e 33 abitaziuns a la Rangsstrasse a Zezras parada sin il frontispizi dal rapport annual.

Suentar ch'ils resultats operativs èn stads negativs ils ultims onns, èsi stà pussaivel da preschentar il 2020 in gudogn operativ da CHF 5.76 miu. Il resultat dals donns è fitg legraivel. Empè da la dimensiun preventivada da CHF 20.1 miu. (sin basa da la media da 10 onns) han ils donns importà mo CHF 12.4 miu.: CHF 9.0 miu. donns da fieu e CHF 3.4 miu. donns da privels natirals.

Corona e la digitalisaziun

La GVG ha surmuntà bain l'onn da corona. Tut ils servetschs han pudì vegnir prestads da tut temp durant l'onn grazia ad ina buna maschaida da lavur da preschientscha e lavur a chasa. Il spiert da squadra è stà excellent. La disponibladad dals pumpiers è mintga mument stada garantida grazia a disciplina e mesiras organisatoricas. Colliaziuns IT complessivas a chasa, conferenzas da video empè da viadis lungs, l'acceleraziun da soluziuns IT, la planisaziun electronica dals exercizis da pumpiers euv. – tut quai è tuttenina stà necessari pervia da corona ed è vegnì realisà. En il center èn però er adina stads ils basegns dal persunal e da la clientella. La digitalisaziun duai survegnir ina fatscha umana. Las clientas ed ils clients pon pajar cun quints electronics e donns pon vegnir disponids cun agid d'in portal empermettent. Ils proxims onns vegnan a purtar differentas digitalisaziuns. Sin il sector dals pumpiers munta quai raffinar ils systems per planisar e coordinar las acziuns, sviluppar scolaziuns digitalas e Virtual Reality e munir roboters cun l'intelligenza artificziala. Las clientas ed ils clients vegnan a pudair elavurar donns, midadas d'adressa, pajaments ed infurmaziuns a moda digitala via il portal TOPAX. Era l'elavuraziun dals cas en la prevenziun d'incendis e da privels natirals succeda en l'avegnir senza palpiri.

La persistenza da la GVG

Il claim da la GVG "segirar a moda persistente, assicurar a moda democratica" resumescha la visiun da l'interpresa e vegn vivida. La GVG impunda ses meds effizientamain ed effectivamain. Uschia pussibilescha ella en la cumparegliaziun naziunala ed internaziunala las pli bassas premias ed ella è persistente sut l'aspect economic. La persistenza ecologica vegn ad esser dominante a lung termin e schizunt impurtanta per survivor, sch'ins considerescha las ristgas da privels natirals adina pli grondas. Ils effects da la midada dal clima ston vegnir identifitgads ad uras. Cun la prevenziun correspudenta sa laschan sminuir ils privels natirals. Uschia tegna la GVG quint da la persistenza ecologica. Il tema da la dieta d'atun dals 24 d'avust 2021 è "Abitar segir". Las participantas ed ils participants emprendan d'enconuscher pussaivladads co che mintga proprietari d'edifizis po sminuir ils ristgs. La midada dal clima è il pli grond privel per la prontadad da pajar a lunga vista da la GVG. Igl è pia bun, sche er ella optimescha sia atgna impronta ecologica. En ina strategia da persistenza ecologica ha ella perquai preschentà ses potenzial d'influenza, era sche lez è magari limità, ed emprova da realisar mesiras correspudentas.

Quai che pertutga l'aspect social promova la GVG la solidaritad tranter ils donnegiads e la societad e sustegna la prosperitad dal chantun. Da l'autra vesa la GVG sasezza sco la «assicuranza dal pievel» e parta ses success cun la populaziun dal Grischun. Ella vegn dirigida democraticamain da las abitantas e dals abitants dal chantun e pretenda per consequenza da sasezza dad esser «la luschezza da la populaziun». Il Cussegl grond sco represchentant dal pievel ed il Cussegl guvernativ dattan a moda democratica la tempra a l'incumbensa politica e legala da la GVG. La represchentanza da l'Associazion grischuna dals proprietaris da chasas influenzeschan las cundiziuns da basa da la GVG cun lur collavuraziun en la cumissiun administrativa ed en il Cussegl grond.

Cifras distinctivas da la GVG dal 2020 en cumparegliaziun cun l'onn precedent

| | | stadi 31-12-2020 | stadi 31-12-2019 | midada onn precedent |
|---|----------|------------------|------------------|----------------------|
| dumber d'edifizis assicurads | | 162'481 | 160'933 | 0.96% |
| chapital d'assicuranza (CA) | mia. CHF | 114.81 | 112.82 | 1.76% |
| entradas da premias (incl. taxa da prevenziun) | miu. CHF | 37.12 | 36.14 | 2.71% |
| premia per CHF 1'000.-- CA | rp. | 32.34 | 32.03 | 0.97% |
| donns da fievu netto | miu. CHF | 9.00 | 15.89 | -6.89 miu. CHF |
| donns elementars netto | miu. CHF | 3.44 | 8.03 | -4.59 miu. CHF |
| expensas protecziun cunter incendis/pumpiers | miu. CHF | 15.86 | 15.22 | 0.64 miu. CHF |
| retgavs da facultad netto avant remessas e renovaziuns | miu. CHF | 25.99 | 66.66 | -40.67 miu. CHF |
| gudogn GVG consolidà | miu. CHF | 26.68 | 52.58 | -25.90 miu. CHF |
| fond da reserva assicuranza (incl. resultat annual) | miu. CHF | 537.7 | 538.03 | -0.06% |
| fond da reserva assicuranza en relaziun cun il chapital d'assicuranza | promils | 4.68 | 4.77 | -2.93% |

Era la Cassa per donns elementars dal Grischun ha registrà in dumber da donns sut la media

La Cassa per donns elementars dal Grischun (CDE) cumplettescha las prestaziuns da l'Assicuranza d'edifizis dal Grischun (GVG) e gida da finanziar donns chaschunads d'eveniments da la natira ordaifer l'edifizis. Ella porscha sustegn en cas da donns elementars betg assicurabels sin parcelas, donns vi da l'infrastructura che permetta l'access a las parcelas e protegia ellas sco era donns da culturas. Ella gida da garantir l'existenza da proprietaris da terren, ma ella n'è nagina assicuranza, mabain ina spezia da fond. La CDE è in'instituziun dal dretg public che vegn manada da la GVG. Contribuziuns retschaivan persunas dal dretg privat. La contribuziun da la CED importa tenor sias atgnas basas legalas 70% dal donn imputabel. Il fondssuisse a Berna cumplettescha questa contribuziun cun maximalmain 20%.

Il quint annual da la GVG preschenta en il quint da gestiun in retgav total da CHF 2.8 miu. ed expensas da CHF 2.2 miu. Quai dat in gudogn da gestiun da CHF 600'000 (onn precedent CHF 300'000). Il gudogn or d'investiziuns da chapital munta a CHF 2.8 miu. (onn precedent CHF 7.4 miu.). Il gudogn total importa CHF 3 miu. (onn precedent CHF 6.7 miu.).

Il quint da gestiun dal fond per l'agid d'urgenza preschenta in surpli da las expensas da CHF 515'000.00 pervia da las boas da Brinzauls. Las reservas dal fond per l'agid d'urgenza restan tuttina, damai che las expensas per Brinzauls han pudì vegnir cuvertas cun il gudogn da la CDE.

Persuna da contact: Markus Feltscher, directur
Assicuranza d'edifizis dal Grischun · Ottostrasse 22 · 7001 Cuir
telefon direct 081 258 90 01 · markus.feltscher@gvg.gr.ch

⇒ Il rapport annual è telechargiabel a partir dals 27-42021, a las 11.00, sut www.gvg.gr.ch.